

քան զոր ծաւալին ի վերայ ձեր հայրա-
գութ խնամք Վեհափառ Բարերարին ձե-
րոյ, որ աւասիկ գումարեաց աստ վասն ձեր
ղբանխրուն ուսուցիչն եկեղեցականս և աշ-
խարհականս համալսարանական զիտու-
թեամբ ձոխացեալս և հռչակեալս գիտնա-
կան զրուածովք: Աւստի հարկ և պար-
տաւորութիւն կայ ի վերայ ձեր փութալ
քաղել զամենայն օգուտ ի սոյնպիսի բա-
րեյաջող հանգամանաց և անխոնջ ջանասի-
րութեամբ ամբարել ի միտս ձեր զուսմունս
պէս պէս զիտութեանց, որով միայն կարէք
հանդերձ հեղ և պարկեշտ վարուք երախ-
տագէտ լինել առ Տէր Բարերարն ձեր և ա-
ռիթ Նորին մխիթարութեան, որ յան-
շափ ճգունս երկանց ծնաւ զայս տուն փր-
կութեան և զիեցուցանէ զայս հայրագութ
խնամովք և զիեցուցէ առ յապայն:

Յաւարտ բանիս՝ թողով Նրժանապա-
տիւ Վահան Վարդապետի հազորդի ձեզ
կարեւոր տեղեկութիւնս ըստ ուսումնական

կառավարութեան Շեմարանիս՝ աղաչեմ
զՎերապառիւ Հարսդ՝ զեղբարս և ըղ-
հանդիսականս համօրէն՝ վերառաքել ըղ-
լիաշուրթն բարեմաղթութիւնս մեր առ
բարձրեալն Աստուած, զի անսահման բա-
րերարութեամբ իւրով շնորհեցէ Վեհա-
փառ Հայրապետիս մերում զանվտանգ և
զանխռով կեանս ընդ ամս ձիգս, տացէ
նմա կարողութիւն առ ի շարունակել և
կատարել զմեծագործութիւնս իւր ի պայ-
ծառութիւն Մայր Աթոռոյս և Հայաս-
տանեայց Աեկեղեցւոյ և ի յառաջադիմու-
թիւն Ազգիս, պահպանեցէ ընդ հովա-
նեաւ սրբոյ Խաչի Միաճնի Որդւոյ իւրոյ
զՎ. Գեորգեան Շեմարանս մեր. ծաւա-
լեցէ զշնորհս Հոգւոյն Արքոյ ի միտս ու-
սումնասէր աշակերտաց սորին և պար-
գեւեցէ մեզ ամենեցուն զհոգեկան մխի-
թարութիւնս ի փառս սրբոյ Աբրորդու-
թեան. եղիցի և եղիցի:

ՅԵՒՈՒՐ ՏՕՆԻ ՍՐՈՅՆ ԴԷՈՐԳԱՅ ԶՕՐԵՎԱՐԻ

ԵՒ Ի ԶՈՐՐՈՐԴԻ ՏԱՐԵԴԱՐԶԻ Դ. ՃԵՄԱՐԱՆԻՍ

Ո Ի Ղ Ե Ր Զ.

Որ իմըթան կանգնիս տաճարդ Հայաստանեայցս ի պարգեւ,
եւ զանազօտ սրփռես ըզլոյս իբրեւ զարփի շուրջ ըզքեւ,
եւ Մովսիսեան զերթ ամպն լուսոյ յառաջընթաց հորդես մեզ
Զուղի՝ իլոյս ճշմարտութեան, զուղի՝ յուսման ասպարէզ:
Քեւ նորոգեալ արդ միւսանդամ կենցաղի դար Մեսրօբայ
Ի քէն ելցեն մեն մի եզնիկք, Մովսէս, Դաւիթ, Եղիշայ:
Քեւ սրբեսցին դառն արտասուք Ոգւոյն մերոյ Հայրենեաց,
եւ պարգեսցի աղեղն յերկինս ի հաշտութիւն Հայկազանց,
Մի եւս ամպրոպք մըրըրկայոյդք փոթորկեսցին դքոյդ գըլխով,
եւ մի արկածք գըթօխըմբերք վրդովեսցեն զկեանսդ անխըռով:

Այլ կացցես միշտ ի յանդորրու, դըրուտեսցիս գողտը իւար,
եւ սիրտք Հայոց մաղթեսցեն Քեզ եւ Հիմնադրիդ կեանս յամայր:

Ի դէմաց աշակէրպաց Լ. Վասարանի

ԹԱԴԻՈՍ ԶԱԲԱՐԵԱՆՑ.

Ի ՄԵՆԱՇՈՒՔ ՀԱՆԴԻՍԻ ԱՒՈՒՐ՝ ԲԱՅՄԱՆ

ՉՈՐՐՈՐԴ ՏԱՐԵԴԱՐՁԻ ՃԵՄԱՐԱՆԻՍ

ՄԱՅՐ ԱԹՈՈՈՅ ՍՐԲՈՅ ԷԶՄԻԱՄՆԻ

ՈՒՂԵՐՁ.

Ձայն աւետեաց հընչեաց այսօր յԱյրարատեան գազաթանց
Ձայնել զհիւսիս եւ զհարաւ ի յայս յակումբ բերկրանաց.
Ձարթիր զարթիր եւ արկ զանձամբ ըզծիրանիս Հայաստան,
Ձի նոր Արփի յաղջամըղջէ եւ ծագեցաւ ի քում տան:
Որ ի մթան յերեր վայրի յաւերակաց հիմն եդաւ,
Ձերթ անջրդիս յանապատի այս դարառտան ծաղկեցաւ.
Անդ ուր անգուլ բոմբիւնք զինուց տան ճեպ ընդ ճեպ արձագանգ
եւ ճապաղիք բոսոր արեանց ծաւալ ծաւալ գընան ցանգ,
Սոյն այս Տաճար աստ կառուցաւ մեր հայրենեաց ի ճակատ,
Ձլոյս գիտութեան եւ իմաստից Հայոց շողել անընդհատ.
— Վիպեա մուսայդ Ասքանաղեան, հիմ կաս լուի եւ անհունջ
Հար ըզգաւինդ եւ Թորգոմեանք լըւիցեն քոյդ ըզմըմունջ.
Քանի՜ աղէտք, հըրդեհ տագնապք շուրջ ըզմեօք պատեցան,
Մինչեւ ծագեալ լոյս գերարփին եբարձ ջըրուեաց զամենայն.
Յարկաճս յոլովս ձախողակիս տարուբերէր բախտ մեր հէգ,
Մինչ ի հանգիստ անփոյթ կենաց ցամաքաթեւս անցաք մեք:
Ձայն տուր Ոգիդ յանմահ գասուց, երթ եւ նօթձեա խընդագին,
Եթէ ճըգունք սուրբ Մեսրոպբայ եւ Սահակայ Պարթեւին
Բարգաւաճեալ դարուց ի դարս բարձր ի գազաթըն պանծայ,
Եւ ի հաւատս աստուածային Հայ մանկըտին զօրանայ,
Երկարեցէք երկինք զաւուրս Հիմնադրիս Վեհափառ
Ի սէր Հօտին սիրեցելոյ ւ՝ Եկեղեցւոյ ուղղափառ.

Ի դէմաց աշակէրպաց Չորրորդի Վասարանի

Աշակերտ նորին դասատան

ԱՌԱՔԵԼ ՎԱՐԳԱՆԵԱՆ ԲՈՒՆԻԱԹԵԱՆՑ.